



Cuminsando cu 4 florin, bo por gana e suma grandi aki

Afl.

900.000,-

Obtenibel na cualkier rebendado di Lotto.

Sorteo ta awe nochi 6:45 pm




Entrevista cu Hubert Dirks, presidente:

Federacion di Trahadornan di Aruba (F.T.A) celebrando 56 Aniversario

ORANJESTAD (AAN) – E lider sindical di Federacion di Trahadornan Aruba (F.T.A), Hubert Dirks, den entrevista cu Matutino DIARIO a elabora tocante e di 56 aniversario di F.T.A, cu a wordo celebra diarazon 22 di Juli ultimo.

Dirks a trece dilanti cu riba un dia 22 di Juli 1964, un grupo di trahador, cu tabata traha como contratista den e refineria, a dicidi pa bin hunto y hinca un statuto den otro, pa asina lanta F.T.A.

E trahadornan tabata tin e necesidad di sindicaliza nan mes, mirando e trato cu nan tabata ricibi e tempo ey. E prome presidente di F.T.A tabata Wijkie Maduro (den feliz memoria) y hunto cune a forma e directiva, Rufo de Cuba, Rosendo Colina, Jacinto (Chinto)



Diaz (den feliz memoria) y Joaquin Bareño.

Hubert Dirks a expresa palabranan di felicitacion pa e lidernan sindical di F.T.A di e tempo aya, y cu ainda ta na bida, awo den edadnan avanza pero ainda fuerte. El a menciona sres. de Cuba, Colina, y Bareño, y a expresa cu danki na e cinco pioneronan sindical menciona, awe F.T.A ta cumpli 56 aña di existencia.

Dirks a menciona cu e retonan ta hopi, y cu F.T.A a pasa den hopi reto

den e lucha. E federacion a forma parti di CLAT (Central Latinoamericano di Trahadornan), y tabata momentonan cu e dirigentenan di F.T.A, a wordo carga pa CLAT. Esaki a yuda hopi pasobra CLAT tabata afilia na "Universal di Trahadornan di America Latina" (UTAL), cu ainda ta existi pero no mesun fuerte, manera antes.

Tur e dirigentenan di F.T.A por a participa di programanan di formacion, cu awendia ta keda necesario y

importante.


Sindicalismo tin retonan hopi grandi pasobra e tin cu sali na defensa di e trahador y su famia. Esaki ta nifica tambe un trabao decente loke ta encera trato y salario mas husto, manera ta stipula den e puntonan di "Sostenible Development Goals".

Dirks a referi tambe na e economia informal, indicando cu den mundo tin hopi trahador informal cu den un crisis manera nos ta pasando actualmente, ta wordo perhudica grandemente.

E lider sindical di F.T.A a comenta cu tur hende cu traha riba nan mes aworaki den e economia informal, a sufri un impacto hopi grandi.

Den otro articulo DIARIO ta sigui elabora tocante e entrevista aki di 56 aniversario di F.T.A.

Swinda contento cu su premio gordo di Zodiac



ORANJESTAD (AAN): Un di e weganan di mas popular di Lotto, ta sigui di ta Zodiac. Aki bo ta escoge un number di cuatro cifra, y pone un signo di Horoscopo hunto cune.

Esey ta exactamente loke Swinda a haci, y el a gana tambe. Pesey riba Diahuebs el a acudi na oficina di Lotto pa asina reclama su premio.

Despues cu el a pone su firma patras di e ticket, e trahadornan di Lotto a scan e barcode y mesora e Computer a revela cu el a gana 25.000 Florin cu Zodiac.

Asina tambe a transferi su premio electronicamente pa su cuenta di banco pa asina e por pasa un bon fin di siman.

Swinda a indica cu e ticket ganador el a cumpra na Euro Lottery.

Anuncio

Entrante dialuna 27 di Juli 2020 te cu diabierna 14 di Augustus 2020, Oficina di SIMAR lo ta sera pa publico.



SIMAR lo ta disponibel pa su miembro nan, via e-mail na info@simar.aw of via telefon na 582-4219